

奉天通志

二函之三冊
大事明十至十二

奉天通志卷二十一

大事二十一

明

明十一

神宗三

神宗萬曆二十四年春二月遣使至滿洲

清太祖武皇帝實錄一 丙申年二月大明國遣官一員高麗國
亦遣官二員從者共二百人來太祖令部兵盡甲親迎至妙弘
廓地界接入大城以禮相叙公事畢辭別而去

清實錄上令我軍盡甲觀兵於外遇於妙弘廓地界迎入大城
優禮答遣之

朝鮮宣祖實錄丙申二月丙寅平安道觀察使尹承吉馳啓曰
通事河世國等陪余相公二月十三日到滿浦言余相公到王

獨部則老可赤塔忽忽

胡人

領騎兵二百來候於道傍老可亦

副將領騎兵三千餘名整立道下或帶弓矢或持槍杖步軍六

千餘名成三行列立相公進迫陣前有一騎不意高聲騎軍整

立不動而相公一行及我國人等驚惶失色胡人拍手大笑老

胡兄弟設茶以慰謂余相公曰老爺此行雖信真假若以誠心

到此則我亦以誠心待之相公答曰若不以誠心則天朝將官

來此何為老胡曰老爺齎來賞物未知從何處來相公答曰軍

門孫老爺

名鑄

聞你恭順天朝今以頒賞汝兄弟矣老胡曰若皇

朝命令則豈無蟒段銀兩乎相公曰此非朝廷之欽賞乃軍門

孫老爺之賞物也老胡答曰可得朝廷頒賞乎相公曰孫老爺

俱陳你等恭順之意稟於朝廷然後可以處置非我所能擅也

老胡曰採參胡人項日冒入渭原地界先自非矣高麗縛送於
我則自當殺之而高麗人擅殺胡人我豈無憤憾之心否欲加
兵於朝鮮以報其讐矣相公曰我之此行專為兩國相好你何
敢不遵天朝禁約動兵馬以報私讐乎老胡曰天朝老爺未此
僻陋之地前古所未有之慶我豈敢擅興兵馬加於朝鮮哉
三月巡撫遼東李化龍乞休不許

明實錄三月丁亥吏部題遼東巡撫李化龍以病乞休上念遼
鎮多事不准辭

八月遼東副總兵李如梅襲破寇衆於可可毋林

明實錄八月戊戌山東巡撫李思孝題臣巡歷瀋陽中衛據遼
東鎮坐營中軍陳九圍正安堡參將張奇功鎮堡守備張承祖

報炒花卜言顧花大等在營傳各家連子祭旗聚兵圍搶廣寧
地方見在可可母林屯任副總兵李如梅領兵移瀋陽督陣備
禦方時新遊擊王守官佟養直參將張奇功等於母林迤北羅
牆三百餘里哨見達賊偶值天雨陰霧官兵一擁向前在陣擒
斬一百九名顆內賊首一顆

明史李如梅傳二十四年炒花卜言兔將入犯如梅謀先襲之
督部將方時新等生塞三百里直搗其廬帳斬首百餘級而還
閏八月巡撫遼東李化龍復因疾乞休詔在任調理

明實錄閏八月丙子遼東巡撫李化龍三懇休致不允

又閏八月乙酉命遼東巡撫李化龍在任調理以該鎮秋防事
重故也

以顏宇坪為山東右參議整飭遼東兵備

明實錄閏八月乙酉陞戶部署郎中事主事顏宇坪為山東右參議整飭遼東兵備

九月增築江城鎮於九聯故址

明實錄九月庚申兵部題遼左之勢日由海旅順為衝必須添設水兵陸則南有金復東惟鴨綠地千餘里安能無所不防惟俟朝鮮報警之後而復州兵將移之全州金州兵將移之黃首島岫巖設一備禦增五百土兵九聯故址新築一城名曰鎮江以為備從之

冬十月徙置長奠堡備禦為鎮江游擊

明實錄十月己巳改長奠堡備禦為游擊移駐鎮江

董一元罷以王保為鎮守遼東總兵官

明實錄十月己卯革遼東總兵官董一元任為兵科署科事徐
斌楚所參也

又十月癸未勅薊州總兵都督同知王保掛印鎮守遼東

明史董一元傳久之以病歸命王保代

十一月命御史李思孝闕視遼東

明實錄十一月甲寅敕御史李思孝闕視遼東

二十五年春二月復遣遼東兵援朝鮮

明實錄二月丙寅集廷臣會議時朝鮮陪臣鄭期遠痛哭求援
遼東副總兵馬棟報曰將清正領兵騎舡二百餘隻於正月十
四日到朝鮮岸至原駐機張營駐劄給事中徐斌楚言海舡一

隻小亦不下百人今稱二百餘隻兵當不減二萬餘衆防禦事
宜亟當早圖下廷臣議

又二月戊寅兵部覆總督薊遼都御史孫鑣奏原議調發遼兵
三千名今議再加挑選以原任副將楊元領之遼海參政楊錫
監督刻期前往以救朝鮮得旨允行

明史紀事本末_{卷二十} 再議東征時封事已懷寬奠副總兵馬棟
報清正等擁二百艘屯機張營上命兵部尚書邢玠總督薊遼
改延綏總兵麻貴為大將軍經理朝鮮

朝鮮宣祖實錄丁酉三月乙卯奏聞使鄭期遠書狀臣本月十
三日無事還越江臣於前月十九日到七家嶺因序班許洪先
聞大將麻貴已為點下石星已遯兵部尚書其代五員名擬薦

而時未點下戶部尚書楊俊民權行兵部事云云二十四日到
山海關見主事楊時顯則言原任副總兵楊元率遼東兵馬三
千為先發行吳惟忠領南兵三千八百云云大兵亦陸續調發
登萊水兵時方造船當隨後云云二十七日臣於連山途中逢
游擊葉鰲則言因廣寧巡撫李化龍楊元領遼東兵三千
千先發吳惟忠領浙兵四千繼發參將李金領舟師二百隻每
船載軍三十四月初約會於朝鮮平壤地皆已奉聖旨云云
三月遼東副總兵李如梅出塞襲寇失利而還

明實錄三月乙未遼陽副總兵李如梅從鎮西堡出塞邀虜失
利殺將十員軍丁一百六十餘名馬四百餘匹

明史李如梅傳明年如梅與參政楊鐸謀復從鎮西堡出塞潛

襲敵營失利損部將十人士卒百六十人如梅以血戰重創免
罪

夏四月李化龍罷以張思忠為右僉都御史巡撫遼東

明實錄四月壬午巡撫遼東李化龍乞休回籍

又四月己丑山東左布政使張思忠右僉都御史巡撫遼東贊
理軍務

五月以張中鴻為遼東苑馬寺卿

明實錄五月乙未陞河南知府張中鴻為山西副使管遼東苑
馬寺馬政

薊遼總督邢玠至遼東經略朝鮮

明實錄三月己未兵部左侍郎邢玠為兵部尚書兼右副都御

史總督薊遼保定

明史紀事本末

卷二十一

五月邢玠至遼以朝鮮兵惟閑水戰乃疏

請募兵川浙併調薊遼宣大山陝兵及福建吳淞水兵劉綎督
川漢兵六千七百聽勦麻貴鑒報候宣大兵到竟掩釜山則行
長擒清正走玠以為奇計乃檄楊元屯南原吳惟忠屯忠州
運登萊米豆至遼東

明實錄五月乙巳戶部言行東東發公帑三萬金糴運米豆至
登萊口令淮舡運至旅順遼舡運至朝鮮

秋八月遼東援朝鮮兵敗於南原

明實錄八月丁丑日破朝鮮閑山南原等處先是楊元以遼兵
三千扼南原至是閑山失守日遂薄南原十六日夜猝乘城元

驚起帳中跣足逃走一軍盡沒游擊陳墨哀在全州距百餘里
懦不發兵南原已破亦棄城北遁

明史紀事本末

卷二十八

八月清正圍南原乘夜猝攻守將楊元驚

起帳中乘城跣足而遁遼人衛楊元西奔時全州有陳墨哀思
州有吳惟忠各扼要而全州去南原僅百里相倚南南原告急
墨哀懦不發兵聞已破州民爭棄城走

朝鮮宣祖實錄丁酉八月丙子日攻陷南原城楊副總殺出西
門僅以身免本月十二日日圍南原日夜攻打副總兵馬矢盡
力竭於十六日夜日扒上南門副總勢急只帶三百餘名殺出
西門中二十九止贍十餘人而還

命遼東副總兵李如梅率師援朝鮮

奉天通志 卷
明實錄八月甲申加李汝梅署都督僉事充副總兵赴朝鮮策
應從邢玠請也

明史李汝梅傳其年八月進署都督僉事充副總兵赴朝鮮援
救

冬十二月遼東援朝鮮兵戰於蔚山

明史紀事本末卷二十一十二月二十三日進攻蔚山游擊擺寨以
輕騎誘敵入伏獲級四百餘敵盡奔島山於前連築三寨翌日
游擊第國器統浙兵先登連破之獲級六百一十一敵堅壁不
出力攻山寨時裨將陳寅身先士卒冒彈矢勇呼而上破柵
兩重清正白袍躍馬督兵拒守至其第三柵垂拔揚鎬遽令國
器割級戰稍懈國器復以李汝梅未至不便苟功遂鳴金收軍

結結朝如梅至攻之不拔分兵圍十日夜會朝鮮將李德馨訛報
海上敵船揚帆而來錫不及下令策馬西奔諸軍無統御皆潰
明史李如梅傳時麻貴三路進師令如梅將左軍與右軍共攻
蔚山如梅偕參將楊登山騎兵先進設伏海濱而令游擊擺賽
以輕騎誘敵斬首四百有奇餘皆遁歸島山副將陳寅冒矢石
奮呼上破柵兩重至第三柵垂拔楊錫為總理宿與如梅暱不
欲寅功在其上遽鳴金收軍翌日如梅至攻之不能拔已而敵
援至如梅軍先奔諸軍亦相繼潰

朝鮮宣祖實錄戊戌正月朔丁亥議政院啓曰本月二十三日
經理親督左右協軍兵攻陷蔚山斬五百餘級二十四日斬八
百餘級而敵皆遁入土窟二十五日高中軍祖總兵領軍追過

西生浦應援之賊清正正在圍中土窟之內勢甚窮蹙

又正月庚子解副總接伴使戶曹參議宋諤啓曰蔚山之賊被圍日久援船多未泊又於敵窟迤西遼山山上威張旗幟以助聲勢正月初三日夜間宣說船敵下陸而唐軍卒然解圍一時移陣初四日朝諸軍馬島驚魚駭達夜崩潰俱棄器械狼藉又二月己未陳御史接伴使李好閔啓曰御史標下党進王自安東入未日島山破城時李副總如梅督兵二百餘名已入內城箴擒清正麻嫌李專擒清之功勒令回兵并令他兵不為繼進以致先入二百餘名為人所殺

以李如松為鎮守遼東總兵官

明實錄十二月己丑內旨以李如松鎮守遼東吏科給事中楊

廷蘭言邊鎮總兵擇選以明慎廷推以示公今從中亦恐蹊蹇
一詞將事糾封墨敕之濫從茲起矣不報

明史董一元傳朝鮮再用師敕王保防海卒於海州時王保為
遼東總兵
官

明史李如松傳二十五年遼東總兵董一元罷廷推者三中旨
特用如松言路復交章力爭帝置不報如松感帝知氣益奮
二十六年春二月嚴登萊旅順海防

明實錄二月丁巳兵部言登萊旅順乃津門外戶必銷鑰嚴密
而後堂奧可固頃科臣議將天津節下新勁之兵效防秋之例
汛期分屯要害撫臣親提一旅移駐萊州此臨海扼險之勝著
也查得海防撫鎮之責任駐劄原無定所自旅順至登萊皆具

信地旅順而北登萊而南皆得策應節經本部題明申飭務令
欽遵除調到兵船查明近題令總兵官督發各洋分布戰守外
其新添標下步騎班兵六千員名酌留若干并柯鷹揚新募兵
勇守天津以備非常撫臣帶兵巡歷海上春汛限以二月初旬
為始六月初旬撤還秋汛以八月初旬為始十一月初旬撤
還擇北海通中之處控扼提衡無事量地哨防有警合營邀擊
惟是復州地屬遼鎮有原設參將新增責任汛期禦敵關入協
同金州守備及新設鎮江游擊聯絡聲援以固旅順陸地之防
至於山東撫臣移守濱州順天撫臣移守山海保定撫臣代守
天津分銳佐戰俱為良謨總之各有封疆之任聽其臨時各於
要害駐防便宜行事若夫沿海諸臣防汛之所務躬身查閱共